



薛氏二十四種

保嬰撮要五

中武
584
13



明  
補  
卷  
584  
18

保嬰撮要卷之九

薛氏醫按

吳郡薛鎰集 薛 已驗

江 都 吳中 孫 校

吐血

經曰清者為榮濁者為衛榮行脉中衛行脉外蓋榮者水穀  
精氣也和調於五臟灑陳於六腑故能入於脉夫榮者陰血也  
所主在心統化在脾藏在肝宣布在肺輸泄在腎灌溉一身  
滋養百脉諸經由此而生毓焉然血之所統者氣也故曰氣主  
响之血主濡之是以氣行則血行氣止則血止陽生陰長夫唱  
婦隨之道也若氣一傷則變症百出故妄行則吐衄衰涸則虛  
勞降下則便紅熱陷則溺赤滲於腸胃則為腸風陰虛陽搏則  
為崩漏此背氣有殄戾之垂而血乃生滲溢之患也然養陰者

保嬰撮要卷之九

薛氏醫按

保嬰撮要卷之九

薛氏醫按

可不先知養陽之道乎小兒患之多因稟賦積熱或食膏粱厚味或乳母七情鬱火所致治法若氣虛血弱當以人參補之陽旺則陰生血也若四物湯者獨能主血分受傷為氣不虛也若左寸關脈數而無力血虛也四物湯加參朮浮而無力氣虛也補中益氣湯尺脈數或無力腎虛也六味地黄丸右寸關脈數而有力者肺胃熱也犀角地黄湯後用四物湯加參苓白朮尺脈數而無力陰虛也用六味地黄丸若面黃目澁眵多手麻者脾肺虛也用黃芪芍藥湯

治驗

一 小兒年十餘歲鼻衄肝脈弦數肝藏血此肝火血熱而行用小柴胡加山梔龍膽草四劑而血止又用四物芍連芍會山梔甘草作丸服又以地黃丸滋腎水生肝血而愈

一 小兒久鼻衄右顯鼻準微赤此脾胃傳熱於肺而不能統也先用六君桔梗當歸山梔而血止次用人參黃芪故以調補脾肺而愈

一 小兒壯熱吐血或兼衄血右顯鼻準赤色乃肺胃積熱用濟生犀角地黄四劑而血並止後因母飲酒復作用清胃散母子服之而愈

一 小兒吐血不止鼻準赤色審其乳母有鬱熱用加味歸脾湯加味逍遙散母子並服各數劑血少止又用八珍湯加柴胡牡丹皮而愈

一 小兒因母屢恚怒發熱吐血或時衄用加味小柴胡湯之類治其母並愈後其母因勞役兼怒氣致兒患驚搐或用抱龍丸又加吐血予以加味逍遙散母子並愈厥後乳母仍勞

百病醫指 傷寒指要卷之九 二 守百五  
役發熱此兒卽驚搐或吐血或衄血母用補中益氣湯子用  
犀角地黄湯頓愈

一小兒十歲因傷厚味吐血用濟生犀角地黄湯解食毒清  
胃熱又用四君牡丹皮升麻調補脾胃而愈惟肢體倦怠兩  
手作麻用黃芪芍藥湯數劑而安

一小兒吐血因乳母火鬱發熱兩脇作痛後吐血以加味歸  
脾湯加吳茱萸製黃連治母兒不時飲數匙月餘並愈後母  
因怒吐血寒熱兒亦吐血先用加味小柴胡湯二劑後用加  
味逍遙散治其母悉愈

一女子年十四歲因驚寒熱發搐服鎮驚之藥更吐血  
撮空身如炙煩躁不眠飲食不入脈洪大而無倫次按之  
然而空用加減八味丸料二劑諸症悉退脈息按之如絲無

氣以動用人參一兩煎服不應仍用人參一兩附子五分  
劑元氣頓復

一女子十三歲因怒吐血咬牙發搐用加味逍遙散加  
鈎而愈次年出嫁懷抱鬱結胸滿食少吐血面赤此因肝火  
動而血熱脾氣虛而不能攝血也用六味丸及歸脾湯加  
梔貝母而愈

一小兒十四歲發熱吐血屬足三陰虛余謂宜補中益氣  
滋化源不信仍用寒涼降火煎症愈甚或謂曰小兒未有室  
何腎虛之有參茸氣藥爲用之余述丹溪先生云腎主閉  
藏肝主疏泄二臟俱有相火而其系上屬於心心爲君火爲  
物所感則相火翕然而起雖不交會而其精亦暗耗矣又褚  
氏云男子精未滿而御女以通其精則五臟有不滿之處異

日有難狀之疾正此謂也遂用補中益氣湯及六味地黃丸而痊

黃芪芍藥湯治嗣多歲面黃眼澁多眵手麻

黃芪 三兩

甘草 炙

升麻

葛根

芍藥

炒黃各一兩

羌活 各四兩

右每三錢水煎服

愚按此手足太陰陽明藥也然血虛久則陽亦虛矣故血不足則麻木陰虛火動變症百出實非風也此出升陽滋陰列人參黃芪散治虛勞客熱消瘦倦怠口燥咽乾日晡潮熱五心煩熱盜汗胸滿食少作渴咳唾時有膿血

天門冬

去心三兩

半夏

知母 炒黃

桑白皮

赤芍藥

炒

黃芪 炒

紫苑

甘草 炙各半兩

白茯苓

柴胡

秦苑

生地黃

熟地黃

地骨皮 各二兩

人參

桔梗 各一兩

髓甲 醋炙五錢

右剉散每服三五錢水煎服大人亦得一方有生薑

四物湯

方見急驚

加味小柴胡湯

小柴胡湯

方見瘧症

清胃散

加味歸脾湯

加味逍遙散

四君子湯

六君子湯

五方見內鈔

濟生犀角地黃湯

方見便

補中益氣湯

方見虛羸

八珍湯

即四君四物二湯合用也

六味丸

方見腎臟

虛羸

仲陽云小兒虛羸因脾胃不和不能乳食使肌體瘦弱或大病後脾氣尚弱不能傳化穀氣所致若冷者時時下利唇口清白

熱者身溫壯熱肌體微黃更當審其形色察其見証如面赤多  
啼心之虛羸也面青目劓肝之虛羸也耳前後或耳下結核肝  
經虛火也頸間肉裏結核食積虛熱也面黃唇滿脾之虛羸也  
面白氣喘肺之虛羸也目睛多白腎之虛羸也仍審相勝而藥  
之又寒熱二症不可不辨若腹痛瀉利清白不渴喜熱此屬寒  
症雖在夏月宜木香丸身熱煩躁瀉利焦黃作渴喜冷此屬熱  
症雖在冬月宜胡黃連丸皆捨時從症之治法也

治驗

一小兒十三歲面赤驚悸發熱形體羸瘦不時面白噯氣下  
氣時常停食服保和丸及清熱等藥余曰面赤驚悸心火虛  
也面白噯氣心火虛也大便秘下氣脾氣虛也此皆稟心火虛  
不能生脾土之危症前藥在所當禁者不信又服枳朮丸鎮

驚等藥而諸症益甚大便頻數小腹重墜脫肛痰涎餘日  
少余先用六君子湯為主佐以補心丸月餘飲食少進  
仙冬面白或鰲色手足冷喜食胡椒薑物腹中不熱脈浮按  
之微細兩尺微甚乃用八味丸元氣復而形氣漸充年至二  
十苦畏風寒面目赤色發熱吐痰唇舌赤裂食椒薑之物唇  
口卽破痰熱愈甚腹中却熱診其脈或如無或欲絕此寒  
氣逼陽於外內真寒而外假熱也仍用八味丸而諸症愈  
一小兒八歲面常青色或時色赤日間自劓夜睡咬牙二年  
餘矣服清肝降火之藥益甚形氣日羸余考績到京求治於  
余曰肝主五色入心則赤自入則青蓋肝屬木而生風故肝  
氣爲陽爲火肝血爲陰爲水此稟肝腎精血不足虛火內動

陰血益虛虛而生風風自火出故變面赤目劄等症耳非外  
風也遂用地黄丸以滋腎水生肝木兩月目劄咬牙悉止又  
三月許諸症尋愈而元氣亦充矣凡肝經之症若肝木實熱  
生風而自病或肺金實熱而尅木者宜用清肝降火之劑以  
瀉其邪氣若肝經風熱而目直等症用柴胡梔子散以清肝  
火加味四物湯以養肝血若腎虛而咬牙諸症用六君子湯  
以健脾土六味地黄丸以滋腎水則愈

一小兒脾氣虛弱飲食停滯發熱作渴服瀉黃散不時下痢  
余先用保和丸二服而愈但不食惡心面青手冷又用六君  
柴胡升麻四劑面色痿黃食進手溫惟形體羸甚倦怠發熱  
小腹重墜肛門脫出用補中益氣湯加半夏肉豆蔻三劑而  
安凡脾胃之症若發熱作渴飲食喜冷或泄瀉色黃睡不露

睛者屬形病也實宜用瀉黃散疎導之若發熱口乾惡冷或  
泄瀉色白睡而露睛者屬形病俱虛宜用異功散調補之若  
脾氣下陷者補中益氣湯寒水侮土者益黃散肝木尅脾者  
六君加柴胡若目睛微動潮熱抽搐吐瀉不食宜用秘旨保  
脾湯凡小兒諸病先當調補脾胃使根本堅固則諸病自退  
非藥所能盡祛也

一小兒五歲形氣虛羸睡中咬牙夜間遺尿日間頻數余以  
爲稟腎氣不足用補中益氣湯加補骨脂地黃丸加鹿茸以  
補脾腎而痊畢姻後小便頻數作渴發熱日晡益甚恪服黃  
栢知母等藥以滋陰降火後患腎痿臥床年許余因考績比  
上仍用前藥喜其慎疾半載而痊

一小兒年十一歲面曰或赤足軟不能久行用地黃丸加鹿

昔年許而瘥畢如後兩目羞明兩足仍軟用前丸及補中益氣湯而痊後病復發增口渴足熱頭顛覺開視物覺大此腎虛瞳人散大而然也服前藥遠房事則愈因不自保終患腎痿而歿仲陽先生云此症屬腦髓不足不能榮養宜用地黃丸補之有至七八歲或十四五歲氣血既盛而自合若縱恣色慾戕賊真陰亦不能盡其壽矣

一小兒體素虛弱患咳嗽痰涎服化痰藥而痰益甚余以為脾虛食積先用六君神麴山查漸愈後傷風咳嗽腹脹不食泄瀉酸臭此食滯傷脾而肺氣虛也用六君桔梗而愈又飲食停滯嘔吐痰涎喘嗽面白余謂脾虛不能消化飲食而為痰肺虛不能攝氣歸源而作喘仍用六君子湯而愈大凡脾胃不密外邪所感而肺病者因脾胃氣虛不能相生必用六

君子湯若脾胃氣實大腸不利而肺病者用瀉黃散若心火炎燄肺金而喘嗽者用地黃丸

一小兒形瘦不時咳嗽自用參蘇飲一劑更加喘急驚搐面白或黃余謂此稟脾肺不足而形氣虛羸因前劑峻利外邪雖去而肺氣益虛肺虛則宜補脾先用異功散加桔梗釣藤鈞一劑痰喘頓定乃去桔梗加半夏當歸再劑驚搐亦去又加酸棗仁治之而安年十五歲發熱痰盛作渴面赤形體羸瘦用地黃丸加五味子補中益氣湯各百餘劑而形氣漸壯若認為陰火用黃柏知母等藥復傷生化之源其亦不治者矣

一小兒五歲尚飲乳耳前後頸間至缺盆以手推尋其筋結小核如貫珠隱於肌肉之間小便不調面色青黃形氣羸瘦



此稟母之肝火為患用九味蘆薈丸五味異功散加山梔柴胡與兒飲之又以加味道遙散與母服之尋愈

一小兒患虛羸耳出穢水左手尺關洪數而無力余為清肝補腎耳中雖愈脈未全斂畢姻後患瘵症誤服黃柏知母之類復傷元氣不勝寒暑勞役無日不病幾至危殆余大補脾胃滋養元氣而愈

一小兒患症如前肢體消瘦面色痿黃大便酸臭此脾虛食積用四味肥兒丸五味異功散治之而愈

一小兒體瘦腹大寒熱嗜臥作渴引飲以白朮散為主佐以四味肥兒丸諸症漸愈乃以異功散六味丸月餘而安

一小兒患前症身熱如炙此肝疳之症也朝用異功散夕用四味肥兒丸諸症稍愈佐以河螞丸數服而痊

一小兒停食發熱服苓連三稜等劑飲食日少胸腹膨脹肢體羸瘦余謂脾虛飲食停滯元氣復傷先用補中益氣湯加木香鈎藤鈎數劑漸効又用六君子炮薑調理而安

一小兒虛羸昏倦咳嗽驚悸自用參蘇散一劑更加喘急此脾肺氣虛而妄發表也用惺惺散微解外邪調和胃氣諸症頓愈但手足逆冷又用六君子湯調補元氣而安

一小兒九歲吞酸惡食肌體消瘦腹中作痛余謂食積虛羸也用保和丸而愈後腹中數痛皆服保和丸余曰此因脾胃虛而飲食所傷也當調補脾土以杜後患不信後腹痛喜按余用五味異功散二劑因未應自用平胃散等藥腹脹作痛余仍以異功散加木香四劑而愈若屢用攻代之劑陰損元氣多致虛羸深可慎也

參苓白朮散治脾胃虛弱飲食少思中滿痞噎心松氣喘嘔吐泄瀉

白扁豆二兩半薑汁浸去皮微炒

人參

白茯苓

白朮浸去皮微炒

山藥各三兩半

蓮肉

桔槔炒黃

薏苡仁

宿砂仁各二兩

右為末每服一錢漿湯調下

地黃丸加切桂一兩名治小兒肝經虛熱血燥或風客淫氣而

患癩瘰結核或四肢發搐眼目抽動痰涎上湧又治腎疝

熱消瘦手足如冷寒熱往來滑瀉腹脹口臭乾渴齒齲潰爛

爪黑面黧遍身兩耳生瘡或兩耳出水或發熱自汗盜汗便

血諸血失瘖等症其功不可盡述自六味地黃丸左見腎臟

補中益氣湯治中氣虛弱體疲食少或發熱煩渴等症

人參

黃芪各八分

白朮

甘草

陳皮各五分

升麻

柴胡各二錢

當歸一錢

右薑棗水煎空心午前服

愚按前方若因藥尅伐元氣虛損惡寒發熱肢體倦怠飲食

少思或兼飲食勞倦頭痛身熱煩躁作渴脈洪大弦虛或微

細軟弱或寸關獨甚者宜用之凡久病或過服尅伐之劑虧

損元氣而虛症悉具者最宜前湯若母有脾胃不足之症或

陰虛內熱致兒為患者尤宜用之

錢氏異功散治脾胃飲食少思吐瀉不食凡虛冷症先與數服

以正胃氣加五味異功散見

愚按前方治脾胃虛弱吐瀉不食或驚搐痰盛或睡而露睛

手足指冷或脾肺虛弱咳嗽吐痰或虛熱上攻口舌生瘡弄

舌流涎若母脾胃虛兒患此症亦當服之

四君子湯治脾氣虛損吐瀉少食肌肉羸瘦方見內鈞

保和丸治飲食停滯胸膈痞滿噯氣吞酸或吐瀉腹痛加白朮一兩即

大安丸

神麩炒

山查

半夏

茯苓各一兩

陳皮

連翹

蘿蔔子炒五錢

右為末粥丸桐子大每服三十九丸白湯送下

愚按前方行氣剋滯之劑若元氣無虧暴停乳食而致斯症者宜用此消導之若元氣虛弱而乳食所傷者必調補胃氣為主而佐以消導若乳食已消而作嘔者乃胃氣被傷當用異功散補之不宜仍用前藥重損胃氣治者審之肥兒丸治肝肺食積肢體消瘦二便不調

黃蓮

神麩

木香各一兩五錢

檳榔二個

肉荳蔻二兩

煨

史君子酒浸去皮

麥芽各四兩

右為末神麩糊丸麻子大每服二三十丸米飲下

愚按前方若食積五疳發熱口乾大便不調小便不清或頸

項結核髮稀成穗寒熱作渴宜用之若脾胃稍虛者用五味

異功散兼服虛甚者異功散為主佐以前藥

枳朮丸

方見癰塊

六君子湯

方見內鈞

四神丸

方見脫肛

八味丸

方見腎臟

柴胡梔子散

四物湯

二方見急驚

九味蘆薈丸

方見疳症

加味逍遙散

方見內鈞

白朮散

方見積滯

蚶蟆丸

方見疳症

胃氣虛寒

經曰胃為水穀之海六腑之大源也人身氣血腑臟俱由胃氣

經曰胃為水穀之海六腑之大源也

人身氣血腑臟俱由胃氣

而生故東垣之法一以脾胃為主所謂補腎不若補脾正此意也  
也在小兒雖得乳食水穀之氣未全尤仗胃氣胃氣一虛則四  
臟俱失所養矣故丹溪謂小兒多肝脾之疾也若面色皸白目  
無睛光口中氣冷不食吐水肌瘦腹痛此胃氣虛寒之症用五  
味異功散或六君子湯主之若大便不實兼脾虛也加乾姜溫  
之中滿不利脾不運也加木香開之喜冷便秘胃實熱也用瀉  
黃散涼之命門火衰不能生土者用八味丸補之稟賦胃氣不  
足亦用此丸益下焦真陽充盛則上生脾元自能溫蒸水穀矣

治驗

一小兒傷食吐瀉不已後便泄青色睡而露睛手足指冷額  
黑唇青余謂大便青色木勝土也或時溇泄脾氣不足也額  
黑唇青寒水侮土也悉屬中虛寒用五味異功散加升麻

柴胡木香附子二劑而愈

一小兒盛暑嘔吐瀉泄服黃連香薷飲甚世用白虎石膏湯  
而腹脹作痛手足並冷余謂脾氣虛寒且夏月伏陰在內  
用五味異功散加木香而愈

一小兒因傷乳食雜用消導之藥遂變痢久而不愈先  
君加木香而漸痊後用五味異功散而全愈

一小兒手足常冷腹中作痛飲食難化余謂胃氣虛寒也先  
用益黃散二服痛止次用六君子湯數劑即愈

一小兒九歲素惡風寒飲食少思至秋冬口鼻吸氣陰冷至  
腹手足如水飲薑湯及燒酒方快其脉細微兩尺如無余謂  
此稟命門火衰也用還少丹不應改用八味丸旬餘諸症即  
平胃散治脾胃不和不思飲食心腹脹痛口苦短氣惡心噯氣

吞酸面黃體瘦嗜臥體痛霍亂吐瀉等症

厚朴

薑汁製五兩

陳皮

甘草

炙各一兩

蒼朮

米泔浸焙八兩

右為末每服二錢薑棗水煎沸湯點服亦得常服調氣煖胃化宿食消痰飲辟四時不正之氣

愚按前症若乳食停滯噎腐吞酸嘔噦惡心者宜服是方若飲食既消脾胃虛弱嘔吐惡心者則宜四君子湯

調中丸治脾胃虛寒

白朮

人參

甘草

炒各五分

八味地黄丸即六味地黄丸加肉桂附子各一兩治稟賦命門

火衰不能生土以致脾土虛寒或飲食少思及食而不化腹

臍疼痛夜多漩溺等症內經謂益火之源以消陰翳正此也

錢氏益黃散

一名補脾散

治脾胃虛冷吐瀉

方見脾胃

愚按前方若脾土虛寒或寒水侮土而嘔吐泄瀉手足並冷

或痰涎上湧睡而露睛不思乳食者宜用此方若脾土虛弱

吐瀉者用六君柴胡如不應或手足俱冷者屬虛寒加木香

炮薑若因乳母脾虛肝侮亦治以前藥若乳母鬱怒致兒患

前症者其母兼服加味歸脾湯

瀉黃散

方見脾臟

觀音散

方見嘔吐

銀白散

方見漫驚

歸脾湯

異功散

六君子湯

三方見內

食積寒熱

小兒食積者因脾胃虛寒乳食不化久而成積其症至夜發熱

天明復涼腹痛膨脹嘔吐吞酸足冷肚熱喜睡神昏大便酸臭

是也有前症而兼寒熱者名曰食積寒熱若食在胃之上口者

吐之胃之下口者消之腹痛痞脹按之益痛者下之下後仍痛

按之則止者補之夾食傷寒者先散之用參蘇飲熱甚便秘者  
先利之用大柴胡湯如無外感但只傷食不至於甚保和丸調  
之蓋脾爲至陰之藏也故凡脾病者至夜必熱熱而兼寒則又  
見所勝者侮所不勝矣食未消者消之則寒熱自止食既消者  
補之則寒熱自痊若手足並冷喜熱飲食此中州虛寒也宜溫  
之大便欲去不去脾氣下陷也宜升之若夜間或侵晨泄瀉者  
脾腎俱虛也用四神丸手足並熱作渴飲水者脾胃實熱也用  
瀉黃散大便秘結用大柴胡湯手足雖熱口不作渴大便不實  
者用白朮散仍參腹痛腹脹積痛積滯治之

治驗

一小兒傷食腹脹胸滿有痰余用異功散而痊後復傷食腹  
脹作痛或用藥下之痛雖止而脹益甚更加喘粗此脾氣傷

而及於肺也用六君桔梗調補而痊

一小兒腹脹惡食寒熱惡心症類外感余曰氣口脈大於人  
迎此飲食停滯也用保和丸一服諸症頓退但腹脹未已用  
異功散而痊

一小兒傷風咳嗽痰湧用六君桔梗桑皮杏仁而愈後飲食  
停滯腹瀉脹痛又用六君加山查厚朴而安復停食作嘔或  
用藥下之更加咳嗽余謂此脾肺益虛欲行調補彼以爲緩  
乃服發表尅滯之藥前症益甚更加搖頭余用天麻散倍加  
釣藤鉤及異功散而愈

一小兒胸腹脹痛寒熱頓悶以手按腹卽哭此飲食停滯也  
先用保和丸一服前症卽愈更加煩渴按其腹不哭此宿食  
去而脾氣未復也用五味異功散加柴胡治之而瘳

首山醫按 傷寒論卷之九  
一小兒飲食停滯服消導之劑飲食既消熱尚未退此胃經  
虛熱也用六君子加升麻柴胡四劑而愈

一小兒先因飲食停滯服剋伐之劑更加腹痛按之則止余  
用六君子湯而愈後復傷食服保和丸及三稜檳榔之類更  
加腹重善噫此脾氣虛而下陷也仍用前湯加升麻柴胡木  
香而愈

一小兒面色青白飲食難化大便頻泄或用消積化痰等藥  
久不愈余謂脾胃虛弱也用六君子湯漸愈或以為食積宜  
驅逐之遂反作瀉痰喘發搐余謂脾氣復傷不能生肺肺虛  
不能平肝而作是症先用六君加釣藤鈎飲食少進又用五  
味異功散加升麻而愈

一小兒患前症腹痛服攻下之劑發熱不已大便不化按其  
腹不痛與冷水不飲此食積去而脾氣虛也用五味異功散  
加當歸升麻而愈

三黃枳朮丸治傷肉濕麪辛辣味厚之物致填塞悶亂不快

枳實

麪炒  
五錢

黃連

酒浸  
炒

大黃

蒸紙  
裏煨

白朮

各一  
兩

黃芩

五錢

右為末湯浸餛餅為丸如菜豆大每服五十九丸白湯下臨時  
量所傷多少加減服之

大柴胡湯

方見瘧  
症

四神丸

方見驚瀉

六君子湯

方見積滯

五味異功散

二方見  
內鈞

瀉黃散

方見脾臟

白朮散

方見積滯

保和丸

方見虛羸

加減腎氣丸

方見  
腹脹

天麻散

方見百  
啞即天麻丸

腫脹

經曰至陰者腎水也少陰者冬脈也其本在腎其末在肺皆積

經曰至陰者腎水也

少陰者冬脈也

其本在腎

其末在肺皆積

水也又曰腎者胃之關也關門不利故聚水而從其類也上下  
溢於皮膚故肘腫腹大上為喘呼不得卧者標本俱病也丹谿  
云惟腎虛不能行水脾虛不能制水胃與脾合又胃為水穀之  
海因虛而不能傳化腎水泛濫反得以浸漬脾土於是三焦停  
滯經絡壅塞水滲於皮膚注於肌肉而發腫也其狀目胞上下  
微起肢體重着喘咳怔忡股間清冷小便澁黃皮薄而光手按  
成窟舉手即滿是也古方有十種論症以短氣不得卧為心水  
兩脇緊痛為肝水大便鶩溇為肺水四肢苦重為脾水腰痛足  
冷為腎水口苦咽乾為胆水下虛上實為大腸水腹急肢瘦為  
膀胱水小便閉泄為胃水小腹急滿為小腸水又有濕氣毒氣  
傷寒後瀉痢後氣血虛者之五腫及疝 癥積鎖肚胸膈作形  
蠲氣虛冷積者之七脹亦當詐之其受濕氣者由脾胃之氣敦

阜四肢頭面皆腫也食毒者脾傷積毒停留於胃也傷寒下利  
者邪氣乘虛而入也瀉痢後者脾氣虛也皆宜先調胃氣次可  
治腫其患七脹皆由血氣不足臟腑怯弱表裏俱虛邪正相亂  
以致四肢浮腫腹肚膨滿亦當先調榮衛分別陰陽治法宜補  
中行濕利小便凡有熱者水氣在表也可汗之身無熱者水氣  
在裏也宜下之腰已上腫宜利小便腰已下腫宜發汗此仲景  
之法也若遍身腫煩渴小便赤澁大便秘結此屬陽水遍身腫  
不渴大便溇泄小便清利此屬陰水陽水兼陽證者脈必浮數  
陰水兼陰證者脈必沉遲氣若陷下宜用二陳加升提之藥如  
腹脹少加木香調之若朝寬暮急屬陰虛朝用四物湯加參朮  
夕用加減腎氣丸朝急暮寬屬陽虛朝用六君子湯夕用加減  
腎氣丸朝暮皆急陰陽俱虛也用八珍湯主之真陽虛者朝用



八味地黄丸夕用補中益氣湯若肚腹痞滿肢體腫脹手足並冷飲食難化或大便泄瀉呼吸氣冷者此真陽衰敗脾肺腎虛寒不能司攝而水泛行也急用加減腎氣丸否則不治惟調補脾土多有生者

治驗

一小兒傷食腹脹服尅伐之劑小便澁滯改服五苓散小便益閉四肢頓腫余謂脾胃虛寒不能通調水道下輸膀胱故也朝用加減金匱腎氣丸夕用補中益氣而愈

一小兒患前症小便赤頻盜汗發熱朝間用補中益氣湯午間用五味異功散晚間用六味地黄丸而愈後作功課太勞盜汗發熱用八珍湯六味丸而痊

一小兒患前症飲食少思大便不實先用補中益氣湯又用

五味異功散而愈畢姻後復發更手足並冷飲食難化或吞酸噯腐用六君子炮薑而痊後又發用八味地黄丸補中益氣湯而痊

一小兒小腹脹墜小便澁滯午前為甚以補中益氣湯加木香與朝服以五味異功散加升麻柴胡與夕服兩月餘而愈後飲食失節腹脹噯酸用五味異功散四味茱萸丸而痊畢姻後復患如前更惡寒腹冷小便清頻大便不實手足並冷用補中益氣湯八味地黄丸而尋愈

二陳湯 方見寒吐 五苓散 方見五淋

八珍湯 即十全大補湯去黃芪肉桂方見自汗 六君子湯 方見內釣

加減腎氣丸 方見腹脹 八味地黄丸 方見腎臟

補中益氣湯 方見虛羸

虻蟲

巢氏云虻蟲者九蟲之一也長尺許或五六寸者因臟腑虛弱及食甘肥而動其動則腹中攻痛或作或輟口吐涎水貫心則死用史君子丸之類下之錢仲陽云吐水不心痛者胃冷也吐沫心痛者蟲痛也與癩相似但目不斜手不搐耳安蟲散主之因氏云蟲痛者啼哭俛仰坐卧不安自按心腹時時大叫面色青黃唇色兼白目無精光口吐涎沫也若因胃冷即吐用理中湯加炒川椒五粒檳榔五分煎下烏梅丸古云蟲蝕上部則上唇有白點蟲蝕下部則下唇有白點腹中諸蟲望前其頭向上望後其蟲向下如欲用藥先以豬肝油炙香令兒聞其香味使蟲頭向上則藥易伏若中氣虛而蟲不安者但調補脾胃自安丹溪先生云冬月吐蟲多是胃氣虛寒用錢氏白朮散加丁香

二粒主之

治驗

一小兒患蟲動心痛先服大蕪黃湯下瘀穢反作嘔少食右顯鼻準白中兼黃此脾肺氣虛也用異功散二服稍應更加炮薑一劑而安

一小兒吐瀉將愈心痛吐水手足並冷忽自手按心腹此胃氣虛寒類乎蟲痛也用益黃散而愈

一小兒病後吐水心間作痛余謂胃氣虛寒用五味異功散而愈後每吐凡患病飲食不進手足並冷即吐水心痛余用前散加升麻柴胡即愈或用逐蟲之劑前症益甚更加腹痛重墜余用補中益氣湯加炮薑治之而愈

史君子丸治五疳脾胃不和心腹膨脹時復作痛不食漸瘦並

宜服之

史君子肉兩一厚朴製

橘紅

白芍藥

甘草炒 川芎各一錢

右為末蜜丸如皂角子大每服一丸陳米飲化下

安蟲散治蟲痛

胡粉炒

鶴虱炒

川練子

檳榔各二錢

白礬枯二錢半

右為末每服三五分米飲調下

烏梅丸治虵厥當吐虵今反靜而復煩此為臟寒虵上入其膈

故須與復止得食而嘔又煩虵聞臭當自吐及治久痢傷風

咳嗽

理中湯方見冷瀉

大蕪荑散方見疳症

異功散方見內鉤

白朮散方見積痛

益黃散方見脾臟

疝氣

小兒陰腫疝氣者多屬肝腎氣虛及坐臥寒濕之地或風邪所傷血氣相搏或啼叫氣逆水道不行或稟父肝經虛熱或妊娠肝氣鬱結或乳母怒動肝火而致者若兒肝經熱用施子清肝散兒啼躁怒用均氣散乳母恚怒用柴胡清肝散肝火氣逆用加味逍遙散小腹作痛小便澀滯用龍膽瀉肝湯久坐冷地小便不利用四苓散加柴胡山梔車前子不時寒熱者加味小柴胡湯經云肝氣熱則莖痿宗筋弛縱腎莖腫脹或出白液痒痛或裏急筋縮挺縱不收或精隨便下者此名筋疝俱屬肝火不係於腎宜詳治之

治驗

一小兒陰囊赤腫余作胎毒治瘥後發熱痰盛等症診其母

素有鬱熱用加味歸脾逍遙二藥子母俱服而愈後吐瀉小便赤澁兩目翳動視其寅卯二關脉赤此屬肝經風熱也用柴胡清肝散加鈞藤鈎木賊草而愈

一小兒陰莖作痒小便頻數此屬肝火之症反服五苓散頸間結核余用柴胡梔子散四味肥兒丸諸症稍愈又用蝦蟆丸而痊

一小兒莖痿濕痒後陰囊焮腫莖中作痛時出白津余診之肝火也用龍膽瀉肝湯六味地黄丸而愈

一小兒睪丸作痛小便赤澁寒熱作嘔乃肝脾之疝用小柴胡湯加山梔車前子茯苓而愈

一小兒睪丸腫鞭小便黃澁用小柴胡湯加車前子山梔并蘆薈丸而消

一小兒莖中作痒一小兒下疳潰爛作痛發熱一小兒莖中潰痛小便秘澇日晡九盛一小兒目痒出水連劄項間結核陰囊搔痒俱屬肝火之症俱用九味蘆薈丸而愈

一小兒小便澁滯陰囊腫痛寒熱此肝經濕熱也用龍膽瀉肝湯而消但內熱倦怠此兼脾氣虛也用四君柴胡山梔芎歸而愈

一小兒陰囊赤腫因乳母怒氣及飲酒而發余審之因於怒則用加味逍遙散因於酒則用加味清胃散並加漏蘆乾葛神麩與母子服之隨愈

一小兒陰囊腫痛小便赤澁用加味小柴胡湯加漏蘆母子並服而愈

一小兒稟肝腎虛弱睪丸常腫用六味地黄丸料加柴胡母

子並服兩月餘而痊

劉武庫子舉丸作痛小便赤澁寒熱作嘔用小柴胡湯加山

梔車前子茯苓而愈

一小兒腹內一塊攻痛小便不調用龍膽瀉肝湯蘆薈丸而

愈後形氣消燥發熱作渴此肝木制脾土也用補中益氣湯

及蘆薈丸而愈

龍膽瀉肝湯治肝經濕熱兩拘腫痛或腹中作痛或小便澁滯

等症

龍膽草酒拌炒澤瀉各二分車前子炒木通

生地黄酒拌當歸酒拌山梔炒黃芩炒

甘草各二分右水煎服

四君子湯 加味逍遙散 加味清胃散

加味歸脾湯四方見內五苓散方見五淋

九味蘆薈丸方見疝症補中益氣湯方見虛羸

加味小柴胡湯方見瘧症六味地黃丸方見腎臟

梔子清肝散 柴胡清肝散二方見發熱

四味肥兒丸方見寒吐四苓散即五苓散去肉桂

渴症

百問云小兒唇紅如丹即發渴紅甚焦黑則危篤若三焦虛煩作渴者用三黃湯傷寒後唇口焦者用白虎湯竹葉湯瀉痢作渴者用四苓散之類常治暑積心脾煩渴引飲者用白虎湯下痢脾虛作渴者用七味白朮散熱結膀胱小便秘渴者用五苓散上焦虛熱者用四君子湯膏梁積熱者用清胃散脾胃積熱者用瀉黃散中氣虛熱者用異功散腎水虛熱者用六味丸其

薛氏醫案

保嬰最要卷之九

三

餘疳症發熱各詳本症胎稟所致者當各審其因若誤用寒涼降火脾胃復傷則腹脹而為敗症矣

治驗

一小兒發熱作渴用瀉黃散大便重墜口角流涎仍欲瀉火余曰鼻準青白多而黃色少屬脾胃虛寒肝木所侮蓋口角流涎胃氣不能統攝也大便重墜脾氣不能上升也不信另用涼劑果唇唇微動四肢微搐余曰此虛極而變慢脾風矣用六君當歸木香炮薑釣藤鈎二劑益甚意欲更劑余曰此藥力未及也仍以前藥加附子一片服之即安去附子又二劑而愈

一小兒吐瀉後患渴症飲食少思肌體消瘦用七味白朮散渴漸止五味異功散加升麻飲食漸進又用補中益氣湯肌

肉頓生

一小兒嗜膏粱甘味發熱作渴小便白濁用四味肥兒丸佐以瀉黃散稍愈復傷食吐瀉服消食丸胃氣復傷飲食少思肢體倦怠而渴先用七味白朮散而病止次用五味異功散功散而產一小兒面目色白患渴症唾痰發熱服清熱化痰之藥大便洞瀉小便頻數此脾胃虛而復傷也朝用補中益氣湯夕用四神丸諸症漸愈又佐以六味地黃丸而愈  
一小兒十五歲用心太過兩足發熱日晡益甚服人參固本丸之類熱益甚痰涎上湧體倦更睡痰服化痰滋陰之劑痰熱益甚更頭目眩運體倦少食請余治仍欲清熱化痰滋陰余曰兩足發熱腎經陰虛也痰涎上湧腎不能攝也頭目眩運胃氣不能上升也此稟賦不足勞役過度而然耳遂朝用

補中益氣湯夕用加減八味丸元氣漸復諸症漸愈但用心於功課即頭暈發熱用前藥即愈畢姻後諸症復作服前藥半載而痊後再發更大小便牽痛用補中益氣湯八味地黃丸獨參湯而得生

竹葉石膏湯

石膏一錢 半夏三分 甘草 人參各二分

麥門冬十粒 竹葉一握 右生薑汁一匙水煎服

三黃湯

黃芩 黃連 黃柏各等分 右水煎服

白虎湯方見發熱

五苓散方見五淋 七味白朮散方見癰滯

四君子湯

六君子湯 清胃散 四苓散即五苓散去桂

補中益氣湯方見虛羸

四味肥兒丸方見嘔吐 四神丸方見驚悸

消食丸方見嘔吐

仲景云火入於肺則煩人於腎則躁夫心者君火也人王則金燔水虧而火獨存故肺腎合而為躁也活人云但煩熱者虛煩也諸虛煩熱與傷寒相似但不惡寒鼻不寒故知非傷寒也頭不痛脈不緊故知非裏寒也不可發汗攻下當與竹葉湯兼嘔者與橘皮湯又心虛則先煩而後渴翁翁發熱其脈浮緊而大是也蓋煩者心中煩擾為內熱故屬陽躁者肢體躁動或裸身欲入井中為外熱故屬陰外熱者無根之火也是以為虛在小兒當辨其嘔煎不安是煩嘔疰不定是躁嘔煎者心經有熱精神恍惚煩滿生驚嘔疰者心經有風煩躁驚搐也熱甚者黃連

薛氏醫案 保嬰最要卷之九 五 字百聖

解毒湯輕者導赤散風熱者至寶丹脈數而實便閉有熱者神  
芎丸此皆實熱之治法也若煩而頭痛短氣口乾咽燥不渴者  
虛也用四君加芎歸因藥攻伐而作渴者用竹茹湯煩而不得  
眠者酸棗仁湯心神顛倒煩熱欲吐者朱砂安神丸面戴陽目  
內赤六脈洪大按之全無者血虛發躁用當歸補血湯若躁而  
裸體欲人井中脈沉細或浮大按之如無者此皆陰盛發躁也  
宜用參附湯有回生之功

治驗

一小兒煩躁驚悸熱渴飲冷額間色赤此心經實熱所致先  
用瀉心湯一服稍緩又用柴胡梔子散而痊  
一小兒痢後發熱煩躁用四君當歸升麻柴胡垣安又用補  
中益氣湯而愈又傷食作瀉前症復作吞酸先用異功散加

吳茱萸木香為末一服吞酸悉止乃去茱萸木香治之

而安

一小兒潰瘍煩躁驚搐撮空用六味地黃丸料煎服以滋腎  
肝用五味異功散以補脾肺漸愈又用八珍湯而痊

一小兒患癰疹服發汗之藥煩躁作渴先用當歸補血湯及  
東垣聖愈湯諸症漸安又用八珍湯加麥門冬五味子

而愈

一小兒痢後煩躁作渴面赤脈大按之如無此血脫煩躁也  
先用當歸補血湯又用五味異功散加升麻當歸而安又傷  
食作瀉不已復煩躁用異功散為主佐以八珍湯而安

一小兒患瘰癧服下毒之藥發熱煩躁口渴作嘔此元氣復  
傷用八珍湯倍加參芪歸朮治之漸安又用四君當歸升麻  
而安

清熱解毒丸治五臟積熱毒氣上攻胸臆煩悶咽喉腫痛赤眼

薛氏醫案

保嬰最要卷之九

三

守高六



壅腫頭面發熱唇口乾燥兩頰生瘡精神恍惚心忪悶亂坐臥不寧及傷暑毒面赤身熱心煩躁而渴飲食不下

寒水石

石膏

各八兩

青黛

四兩

右研末入青黛和勻蒸餅七箇水調為丸如茨實大每服一丸食後新汲水化下或細嚼生薑湯下如中諸毒並宜服之及驚風潮熱痰涎壅塞心胸煩躁頰赤多渴坐臥不穩每服半粒量大小加減

橘皮湯

橘皮

一兩

甘草

炙半兩

人參

二錢五分

竹茹

半兩

右每服五錢薑水煎食前服

東垣聖愈湯治諸瘡出血多而煩躁不得眠

熟地黃

生地黃

川芎

人參

各五分

當歸身

黃芪

各一錢

右水煎服

瀉心湯治心經實熱口舌生瘡煩躁發渴

宣黃連

犀角

各等分

右水煎服

黃連解毒湯

方見諸病

竹茹湯

方見嘔吐

酸棗仁湯

方見驚癇

朱砂安神丸

方見疴症

神芎丸

至寶丹

二方見驚風

導赤散

方見心臍

異功散

四君子湯

二方見內

注夏

脾為大陰位屬坤土喜燥而惡濕故凡脾胃之氣不足者遇長夏潤溽之令則不能升舉清陽健運中氣又復少陽相火之時熱傷元氣則肢體怠惰不收兩脚痿弱嗜臥發熱精神不足飲食少思口中無味呼吸短乏氣促目中視物眊眊小便赤數大便不調名曰注夏此皆稟賦陰虛元氣不足之症丹溪補陰論

言之詳矣育子者其可不知冬月養陽之道乎治法用補中益氣湯去升麻柴胡加炒黑黃柏主之若因勞役發熱血虛脈大者用當歸補血湯氣血兩虛者八珍湯肝腎陰虧者地黃丸大便作瀉者人參理中湯若乳母肝火乘脾寒熱少食者柴胡梔子散胃火作渴者竹葉石膏湯小兒多因乳母之氣不調而致當戒怒氣調飲食適寒溫則可以遠病矣又如今人夏月皆以香膏以浸冷代茶飲之殊不知香膏利水大損元陽厚朴剋伐大瀉真氣况脾性喜溫而惡寒夏月陰盛於內冷啜傷脾若胃強有火濕熱為病之人固無大害其脾胃虛弱中氣不足者必為腹痛少食泄瀉寒中之疾矣此大人亦所當戒者况小兒乎慎之慎之

治驗 春夏口乾發熱怠惰嗜卧勞則頭痛服清涼化痰

一 小兒每春夏口乾發熱怠惰嗜卧勞則頭痛服清涼化痰之藥喘瀉煩躁不安服香薷飲脈大神思昏潰余用補中益氣湯去升麻柴胡加五味麥門地黃一劑未愈又加肉桂五分即甦更用六味丸而愈

一 小兒稟脾腎虛弱注夏發熱二便不調朝用補中益氣湯夕用地黃丸而愈後因乳母怒氣致兒發熱驚搐用柴胡梔子散母子並服而瘥

一 小兒素有食積注夏發熱倦怠少食大便不實朝用五味異功散少加升麻柴胡夕用四味肥兒丸而尋愈

一 小兒稟賦腎虛患注夏之疾因乳母大勞則發熱益甚用補中益氣湯令母子並服而愈後因乳母多食膏粱又患瘡疾煩躁作渴先用竹葉石膏湯及補中益氣湯將瘡母着怒

薛氏醫按 保嬰撮要卷之十  
氣大熱發搐用柴胡梔子散加味逍遙散而痊  
一小兒注夏食生冷之物腹中作痛之甚則發搐厥冷用人  
參理中丸而愈

一女子年十四患注夏經行之後發熱暈熱煩躁作渴面赤  
脈洪大按之如無此血脫發躁先用當歸補血湯四劑又用

八珍湯而安

柴胡梔子散

當歸補血湯

二方見發熱

八珍湯

方見自汗

補中益氣湯

方見虛癆

地黃丸

方見腎臟

人參理中湯

方見冷瀉

竹葉石膏湯

方見渴症

保嬰撮要卷之十

薛氏醫按

吳郡薛鎧集

薛已驗

江都

吳中珩校

自汗

自汗者汗無時而自出也經曰飲食飽甚汗出於胃驚而奪精  
汗出於心持重遠行汗出於腎疾走恐懼汗出於肝搖體勞苦  
汗出於脾又曰陰虛而陽必轉則發熱而自汗陽虛而陰必乘  
則發厥而自汗東垣云表虛自汗秋冬用桂春夏用黃芪丹溪  
云汗者心之液也自汗之症未有不因心腎俱虛而得之者巢  
氏云虛勞病若陽氣偏虛則津液發泄而為汗矣自心為主陽  
之藏火也陽主氣人身津液隨其陽氣所在之處而生亦隨其  
火所擾之處而泄則為自汗矣治法當用參芪甘溫益氣之藥

薛氏醫按

保嬰撮要卷之十

薛氏醫按

使陽氣外固而津液內藏則汗止矣若元氣虛者夏月用六君子湯加山藥山茱萸冬月用加減八味丸十全大補湯血虛者四物加參芪有熱者當歸六黃湯氣血俱虛者十全大補湯心腎虛熱者六味丸虛寒者八味丸心經血虛者團參湯胃經氣虛者六君子湯飲食勞倦者補中益氣湯嗜臥倦怠者升陽益胃湯熱傷元氣者清燥湯暑于心胞絡者清暑益氣湯外傷風邪者惺惺散虛勞羸瘦者人參養榮湯思慮傷脾者歸脾湯怒動肝火者小柴胡湯肝經虛熱者加味逍遙散肝經濕熱者龍膽瀉肝湯泄瀉脈微者人參理中湯手足汗者補中益氣湯胃腹汗者四君子湯當心一片有汗者茯苓補心湯黃汗者茵陳五苓散血汗者血餘散敷之此皆云汗之大法也仍推五臟相勝主之若汗出如油喘而不休此為命絕柔汗發黃此為脾絕

汗出不流如貫珠者為絕汗數者並不治若未陽虛則汗出至頭下至項亦多主難治

治驗

一小兒四歲因驚自汗左關無脈以此為憂余曰肝主驚此稟肝氣不足因驚則氣散脈必在臂腕於尺部盡處候之果得用補中益氣湯六味地黃丸半載脈復本位其脈在合谷之間者皆自幼被驚而然也

一小兒五歲因驚自汗發熱虛症悉具有寸脈短此胃氣復傷也用獨參湯月餘又用補中益氣湯仍佐以六君子及加味地黃湯半載而愈

一小兒自汗目直項強頓悶余謂肝經實熱先用柴胡梔子散隨用六味地黃丸而愈後因驚自汗咬牙呵欠屬肝經虛

李氏醫案

保嬰最要卷之十

三

汗症

熱生風用六味地黄丸補中益氣湯而痊後又驚自汗怔忡  
面赤發熱悉屬肝經虛熱用六味丸而愈

一小兒自汗面青善怒小便頻數睡間驚悸或發搐目直此  
肝火血燥生風也先用加味四物湯加味逍遙散各四劑與  
間服諸症漸愈又用四君山梔而痊

一小兒自汗盜汗頸間結核兩目連劄此兼肝脾疴症也用  
四味肥兒丸及大蕪荑湯而痊後每傷食發熱便血自汗用  
五味異功散加升麻柴胡漸愈又用六味地黄丸而痊

一女子十四歲自汗寒熱月經先期余謂肝火血熱用加味  
逍遙散地黄丸而痊後因怒經行不止自汗盜汗先用加味  
小柴胡湯次用加味逍遙散而愈

用導赤散治之而愈後又自汗發熱飲湯抽搐無力驚竄咬  
牙覆睡面赤心經虛熱也用茯苓補心湯而愈

一小兒自汗惡風用補中益氣湯加炒浮麥而止因飲食停  
滯患吐瀉用六君子湯而愈又用四君當歸浮麥而汗止出

痘時自汗盜汗用十全大補湯而痘愈後因傷風咳嗽自汗  
腹脹余謂脾肺俱虛宜用六君桔梗因惑於人言先服發表  
之劑更加氣喘盜汗余用四君五味子炮薑四劑不應每劑  
又加人參五錢炮薑一錢稍止又三劑而痊

十全大補湯治諸虛不足自汗不食時發潮熱等症

白茯苓 人參 當歸 白朮

黃芪炒 川芎 肉桂 白芍藥炒

熟地黄 甘草炒各等分 右水三五錢薑水煎服

八珍湯 前方夫肉桂黃

人參養榮湯 治病後時自汗或發潮熱口乾食少心虛驚悸效

而下痢前方去川芎加陳皮五味子遠志

百解散治感冒風邪發熱自汗者

荆芥 白芷 麻黃 去節 陳皮

蒼朮 甘草 炒各三分 右薑三片葱白三根水煎服

清暑益氣湯治暑邪于衛身熱自汗

黃芪 蒼朮 酒浸去皮 升麻 七分

人參 白朮 陳皮 炒 神麴 炒

澤瀉 各五分 甘草 炙 黃蘗 酒浸 當歸身

麥門冬 去心 青皮 炒 葛根 各三錢 五味子 九粒

右水煎服

茵陳五苓散治伏暑發黃煩渴小便不利

赤茯苓 猪苓 澤瀉 白朮

茵陳 各三分 右水煎服

血餘散治汗不止

用男子亂髮一握煨存性為細末以絹袋盛置乾撲之

清燥湯治小兒自汗或因熱傷元氣大小便秘澀

黃芪 炒 蒼朮 各五分 白朮 陳皮

澤瀉 人參 白茯苓 升麻

麥門冬 當歸身 生地黄 神麴 炒

猪苓 黃柏 酒拌炒 五味子 五粒 黃連 炒

甘草 各二分 右薑一片水一鍾煎服

升陽益胃湯 諸方見 六君子湯 加味歸脾湯

薛氏醫按

四君子湯

加味道遙散

五味異功散五方見

柴胡梔子散方見發熱

小柴胡湯方見肝臟

補中益氣湯方見虛羸

龍膽瀉肝湯

人參理中湯

茯苓補心湯三方見瘡

團參湯

當歸六黃湯二方見盜汗

惺惺散

四物湯二方見驚

六味丸

四味肥兒丸方見寒吐

加味八味丸即六味丸加肉桂五味子方見腎臟

大蕪荑湯方見疳症

導赤散方見心臍

盜汗

盜汗者睡則汗出寤則汗收也自汗屬陽虛盜汗屬陰虛蓋陽為衛氣陰為榮血血之所主心也所藏肝也熱搏於心故液不能內斂而外泄於皮膚人臥則靜而為陰覺則動而為陽故曰自汗屬陽盜汗屬陰也多因心腎不交水火不能既濟腎虛則

閉藏之令失守故有是症宜用六味丸十全大補湯血虛內熱者當歸六黃湯心經有熱者導赤散肝經虛熱者六味地黃丸血脫盜汗者當歸補血湯肝膽風熱者柴胡清肝飲食積內熱者二陳枳實山梔胃氣虛熱者六君子湯及浮麥散血氣俱虛者人參養榮湯餘症見自汗當參覽之

治驗

一小兒十一歲面色青白或惡寒發熱鼻間黃白盜汗自汗胸膈不利飲食少思常懷畏懼用二陳黃連酸棗茯神之類不應余以為脾肺俱虛不信自用朱砂安神丸更寒熱往來泄瀉不食余用六君當歸黃芪而愈  
一小兒五歲腹中作痛大便不實患盜汗鼻間左腮皆白此脾肺氣虛而食積所致也用六君山查神麴四劑腹痛頭止

去查麩又四劑大便調和乃用四君歸芪而汗止

一小兒十二歲患盜汗形氣瘦弱面色或赤或白右顛白兩頰赤鼻間微青此稟足三陰經虛也朝用補中益氣湯夕用六味地黄丸而愈

一小兒久患盜汗夜熱晝涼飲食少思大便酸臭此食積內作也先用三稜散消導積滯又用五味異功散補脾進食

一女子十四歲自汗寒熱肝脈弦洪此肝火所致用加味道遙散而愈後飲食停滯吐痰眩暈頭面不時汗出兩寸脈不及本位用補中益氣湯加半夏蔓荊子而痊

一小兒三歲盜汗不食聞藥即嘔此胃氣傷也用浮麥炒為末以乳調服錢許旬餘嘔止食進佐以六君子湯而愈

一小兒發熱呵欠頓悶咬牙至夜盜汗屬肝膽火症用小柴胡湯加山梔二劑又用地黃丸料煎服而愈

一小兒盜汗甚多久不愈可口脈沉伏飲食少思稍多食則腹痛汗不止余謂脾虛食積用六君升麻柴胡月餘脾氣漸健飲食漸加汗亦少止乃佐以異功散乃痊

一小兒苦盜汗肢體消瘦因功課勞役更加自汗余用補中益氣十全大補三湯而愈次年因勞心前症復作更加夢遺仍用前二湯各五十餘劑而愈畢姻後前症俱作手足並冷前藥又各加薑桂一錢數劑少應至六十餘劑而愈因太勞盜汗如雨手足如水再以前二藥加桂附各一錢數劑方愈當歸六黃湯治血虛盜汗內熱晡熱者

當歸 熟地各五分 生地黃炒三錢 黃連炒黑

黃柏炒黑 黃芩炒黑各三分 黃芪炒五分 右水煎服



團參湯治虛汗盜汗

新羅人參三兩

當歸三錢

右為末用雄猪心一個切三片每服以猪心一片煎湯調服

二錢

白朮散治白汗盜汗

白朮三兩

小麥一合

右用水一鍾半煮乾去麥為末以炒黃芪煎湯量兒大小調

服忌蘿蔔辛辣炙博之類乳母尤忌

六味地黃丸

方見腎臟

人參養榮湯

十全大補湯三方見白汗

導赤散

方見心膀

柴胡清肝散

當歸補血湯二方見發熱

二陳湯

方見寒吐

六君子湯

四君子湯

五味異功散

加味逍遙散四方見內釣

小柴胡湯方見肝症

三稜散方見白濁

補中益氣湯方見虛羸

臆氣

經曰脾病則面黃善噫噫者寒氣客於胃厥逆從下上散復出於胃而為噫又善思善味其症當臍有動氣按之牢若痛其病腹脹滿食不消體重節痛怠惰嗜臥四肢不收經曰脾主四肢有是者脾也又曰二陽一陰發病主驚駭背痛善噫何謂也竊謂上焦受氣於中焦中焦氣未和不能消穀故為噫耳中焦亦脾胃之分也脾土虛寒由命門火衰不能溫蒸水穀古人有服兔絲子旬日間飲食如湯沃雪亦此義也補脾宜人參理中湯補右腎宜用八味丸胃氣虛不能運化水穀者六君子加木香鬱結傷脾者加味歸脾湯木剋土者四君柴胡升麻兼嚼礞者加吳茱萸半夏治者審之

脾胃

補中益氣湯

字百五

薛氏醫案 仍參虛羸症

一小兒稟賦虛羸時常作痢年十三歲泄瀉不食手足並冷  
諸藥不應余謂命門火衰六君子湯八味丸治之尋愈畢姻  
後勞心過甚飲食頓少發熱下氣先用參朮各五錢薑棗煎  
服諸症稍愈又用六君子湯加炮薑肉桂參朮各一兩一劑  
諸症頓愈又因勞心發熱煩渴用補中益氣湯加附子一錢  
渴止用參朮各一兩歸朮各五錢附子一錢三劑全瘥  
一小兒十五歲喜噫面黃腹脹飲食難化用六君益智木香  
漸愈後因怒兼脇痛少食下氣噫氣用補中益氣湯加附子  
益智漸愈後飲食過多腹脹吞酸服保和丸熱渴瘳甚用二  
陳黃連石膏之劑大便不止吃逆不食手足並冷余用六君  
附子四劑稍愈又以補中益氣湯加附子及八味丸而瘳

一女子十九歲患前症用六君子湯送四味茱萸丸而愈但  
怒即發服此藥亦即愈後因怒氣勞役前症復作血崩不止  
先用柴胡梔子散一劑隨用補中益氣湯加山梔而瘳仍參  
虛羸治驗

本事枳殼散治心下痞悶或作痛多噫

枳殼

白朮

各半

香附子

炒一兩

檳榔

三錢

右為末每服一錢空心米飲調下

四味茱萸丸治腹脹噫氣吞酸食不能化

吳茱萸

炒

黃連

炒

神麩

各等分

荷葉

各等分

右為末水煑神麩糊丸桐子大每服二十九丸白湯下黃連當

量病微甚或炒黑炒黃用之

八味丸

即六味丸加五味子肉桂方見腎臟

四君子湯

薛氏醫案

保嬰最要卷之十一

卷之十一

六君子湯

下氣

加味歸脾湯

三方見內鈞

補中益氣湯

方見虛羸

劉河間云腸胃鬱結穀氣內發而不能宣通於腸胃之外故喜噫下氣也若癩癩勞瘵氣下泄而不止者必死乃真氣竭絕腠理閉塞穀氣不能宣通於腸胃之外故從腸胃中泄出莫全善云下氣屬心虛經云夏脉者心也心脉不及下氣為泄者是也經又云飲食入胃遊溢精氣上輪於脾脾氣散精上歸於肺通調水道下輪膀胱水精四布五經並行此平人也若七情內傷六淫外侵飲食失節房勞過度致脾土之陰受傷轉運之官失職不能輸化故下氣也又曰陰精所奉其人壽陽精所降其人天陰精者乃五穀之精上榮心肺以降腎肝故曰其人壽陽精者乃胃中之清氣陷入腎肝不能升浮上輪心肺故曰其人天

若飲食過多腸胃鬱結用平胃散癩癩勞瘵用補中益氣湯心氣虛弱用補心丸心氣虛寒用補心湯脾胃虛寒用理中湯肝木乘脾用六君子 勿加木香脾氣鬱結用加味歸脾湯脾氣下陷用補中益氣湯 叩門火衰用八味丸腎氣不足用六味地黃丸大凡噫氣下氣 其脉不及本位內經云短則氣病以其無胃氣也諸病見此 難治但純補胃氣為善

治驗

兼仍參虛一羸治驗

一小兒脾氣素弱飲食少思常患虛弱畢姻後噫氣右關脉弱不及本部左關脉弦數而長此脾氣虛肝木勝之也用六君柴胡炒黑山梔治之尋愈後因勞復作用補中益氣湯加益智二劑而痊後又勞復頭暈仍用前湯更加蔓荊子而愈一女子十四歲性急多怒噫氣常服木香檳榔丸胸中爽快

次年出嫁孀居前症復發服清氣化痰丸發熱痰甚服苓連等藥經行如崩發熱作渴四肢抽搐唇口自動此因肝盛脾虛不能統血歸經虛火動而類風也用加味道遙散內歸朮各用五錢加鈞藤鈞二錢治之諸症頓愈又用加味歸脾湯久服而愈

一女子早喪母噫氣下氣出嫁後患吞酸胸痞用六君子送越鞠丸漸愈又用加味歸脾湯而安後因怒兼脇痛腹脹小便淋瀝用加味道遙散加車前子龍膽草而愈  
一小兒十一歲稟胃氣充實飲食過多胸滿噫氣用枳殼散漸愈又用六君子湯全愈至十七歲飲食停滯腹脹兼痛自用枳殼散肢體倦怠噫氣下氣余用六君乾薑肉桂而愈  
一女子年十六患此先用參朮之藥不應用六君子湯送四

味菜蓮丸而愈後又因怒氣勞役前症益甚更兼發熱用柴胡梔子散二劑隨以補中益氣湯而痊

平胃散

方見虛寒

補心湯

方見痞

補心丸

即荻和散為丸方見驚悸

補中益氣湯

方見虛羸

人參理中湯

方見驚瀉

越鞠丸

方見胸痞

六君子湯

加味歸脾湯

加味道遙散

四方見內約

本事枳殼散

方見前症

柴胡梔子散

方見發熱

四味菜蓮丸

方見噫氣

八味地黄丸

方見腎臟

不寐

經曰陽明胃脈也胃者六腑之海其氣亦下行陽明逆不得從其道故不得臥也又曰胃不和則臥不安夫人身之衛氣晝則行於陽夜則行於陰陽主動陰主靜寤則魂魄志意散於腑臟發於耳目動於肢體而為人身指使之用寐則神氣各歸五官

李氏醫案

保嬰撮要卷之十

十

守齋集

而為默運之妙矣若脾胃氣盛則腑臟調和水穀之精各各融  
化以為平和之氣若胃氣一逆則氣血不得其宜腑臟不得其  
所不寐之症由此生焉當用四君遠志酸棗仁肝腎虛熱者六  
味丸心血不足者真珠母丸思慮過度者歸脾湯精神短乏者  
人參養榮湯病後餘熱者酸棗仁湯膽虛不得眠者人參竹葉  
湯肝火不寧者加味小柴胡湯振悸不得眠者四君生薑酸棗  
仁夜啼驚哭不寐及詳別症當參求之

治驗

一小兒患瘡潰後飲食少思倦怠不寐先用四君扶神當歸  
陳皮飲食頓加仍佐以八珍散為末時服錢許漸得寐又因  
驚汗出發熱不用異功散加柴胡山梔汗熱頓止仍服四  
君八珍之藥得寐又飲食停滯腹痛吐痰不寐汗出用六君

柴胡升麻山查而安

一小兒十四歲勤於功課徹夜不寐飲食無味早間用補中  
益氣湯午後用異功散飲食漸有味夜稍得寐仍用補中益  
氣湯八味湯而愈畢姻後不寐兼遺精盜汗用補中益氣湯  
六味地黃丸而愈

一小兒痢後不食少寐或兼盜汗先用異功散加升麻當歸  
飲食漸進佐以補中益氣湯稍得寐四年後因用心記誦患  
自汗不寐飲食甚少用補中益氣湯加味異功散而愈  
一女子十七歲喪母過哀不寐發熱或寒熱此脾血虛而火  
動也用加味道遙散加味歸脾湯治之尋愈後因飲食怒氣  
不寐腹痛先用六君柴胡升麻而痛止仍用前二藥而得寐  
仲景酸棗湯治虛勞虛煩不得眠

本草綱目卷之十一

酸棗仁炒一錢 甘草 知母炒 茯苓

芍藥 生薑各五分 右水煎服

本事驚甲丸治膽虛不得眠四肢無力

驚甲 酸棗仁炒 羌活 黃芪炒

牛膝酒炒 人參各一兩 五味子

右為末煉蜜丸梧子大每服三四十九丸溫酒下

聖惠治骨蒸勞熱煩心不得眠用酸棗仁三錢水煎熟下地黃

汁一蛤蜊食之

木事真珠母丸治肝膽二經因虛內受風邪臥則魂散而不守

狀若驚悸

真珠三分另研細 當歸 熟地黃各半兩 人參

酸棗仁炒 栝子仁各一兩 犀角 茯神

龍齒各半兩

右為末煉蜜丸小豆大辰砂為衣每服二十丸白湯下日午

夜臥各一服

人參竹葉湯治虛煩不得寐

人參 竹葉 甘草各二錢 半夏

小麥 麥門冬各二錢半

右每服二三錢薑二片粳米一撮水煎服

四君子湯 六君子湯 加味歸脾湯

加味逍遙散 五味異功散五方見 補中益氣湯方見虛

人參養榮湯方見 加味小柴胡湯方見 八珍散十全大補去

六味地黃丸方見

驚悸

字一

人身有九藏心藏神肝藏魂二經皆主於血血虧則神魂失寧而生驚悸也經曰東方青色入通於肝其病發驚駭又曰二陽一陰發病主驚駭驚者心卒動而恐怖也悸者心跳動而怔忡也二者因心虛血少故健忘之症隨之用四物安神之類丹溪謂亦有屬痰者宜用溫膽湯加辰砂遠志之類若思慮便動虛也用養心湯時作時止痰也用茯苓丸觸事易驚心膽虛怯也用溫膽湯臥驚多歷血不歸源也用真珠母丸夢寐不寧肝魂失守也用定志丸恐畏不能獨處膽氣虛冷也用茯神湯睡臥煩躁膽氣實熱也用酸棗仁丸眩運驚悸風痰內作也用本事辰砂遠志丸思慮鬱結脾虛氣滯用歸脾湯前症雖曰屬心與肝而血之所統實主於脾脾之志曰思思慮多則血耗損而不能滋養於肝心者脾使之也思慮內動未嘗有不役其心者夫

心爲君火之藏十二官之主也夫君之德不怒而威無爲而治故宜鎮之以靜謐戒之以妄動動則相火翕合煽燦陰精精血既虧則火空獨發是以驚悸怔忡之所由生五志之火心所不能制者矣故治脾者不可不知養心養心者不可不知鎮靜而寡慾然人孰無思也思之正則無妄動之慾矣朱子曰必使道心常爲一身之主而人心每聽命焉此善養於心者也

### 治驗

一女子素血虛驚悸出嫁後更怔忡晡熱月經過期用八珍湯加遠智山藥酸棗仁三十餘劑漸愈佐以歸脾湯全愈後因勞怒適經行不止前症復作先用加味逍遙散熱退經止又用養心湯而痊

一小兒十五歲徹夜用功記誦去後少寐仍不戒勞患怔忡

發熱不止用歸脾湯為主佐以八珍湯諸症漸愈後復作服歸脾定志二藥即愈

一小兒十五歲因用心太過少寐驚悸怔忡惡寒先用補中益氣湯茯苓酸棗仁遠志惡寒漸止又用加味歸脾湯驚悸稍安又用養心湯而愈

一小兒驚悸睡臥不安發熱飲冷用治要茯苓散而愈又因勞役恚怒發熱吐痰自汗用溫膽湯二劑而安又用歸脾湯寧志丸而愈

一小兒十三歲善思多憂體倦發熱心懷畏懼必多人相伴乃止用茯神湯佐以歸脾湯兩月餘漸愈畢姻後前症復作加寒熱頭暈先用前二湯而驚悸愈後用十全大補湯補中益氣湯諸症漸愈後因科舉入場勞役朝寒暮熱自服前二

湯各三十餘劑不應時仲秋厥虛大按之微細面白腹痛亦用前方倍加肉桂乾薑四劑亦不應遂以八味丸料煎服四劑稍緩又四劑漸愈乃用八味丸十全大補湯而安

一女子十五歲性沉靜被盜所恐遂驚悸腹脇脹痛寒熱往來不食無寐善思恐懼用酸棗仁丸歸脾湯加味逍遙散而尋愈出嫁後因喪子兼大勞驚悸無寐吐痰發熱飲食少思胸腹膨脹服化痰藥日吐痰四五碗時考績至京請治余謂脾肺虛寒不能攝涎化食而為痰也用六君乾薑六劑其痰益甚手足並冷用前藥每加附子一錢仍不應乃用人參一兩附子二錢四劑始稍緩又二劑仍用六君加薑附各五分數劑後易桂治之而愈

溫膽湯治心膽虛怯觸事易驚或夢寐不祥遂致心驚膽懼氣



鬱生涎涎與氣搏變生諸症或短氣悸乏或復自汗膽虛不能制脾則脾之水飲作矣

半夏湯洗

竹茹

枳實

熨炒各二兩

橘皮

去白

甘草炙一兩

白茯苓

半兩

右每服四錢水一盞半薑五片棗一枚煎七分食前服

寧志丸治心虛多驚若有痰宜吐之

人參

白茯苓

茯神

栝子仁

琥珀

當歸

酸棗仁

溫酒浸半日去殼

遠志

炒各半兩

乳香

朱砂

石菖蒲

各三錢

右為末蜜丸桐子大每服三十丸食後棗湯下

茯神散治五臟氣血虛弱驚悸怔忡宜用此安神定志

茯神去木

人參

龍齒

另研

遠志

去心

桂心

防風

獨活

酸棗仁

細辛

白朮

炒各三錢

乾薑

炮三兩

此藥散

或志

右為末每服四五錢水煎服蜜丸亦可

治要茯苓補心湯治心氣不足喜悲愁怒衄血面黃五心煩熱

或咽喉間痛舌本作強方見瘡

茯神湯治膽氣虛冷頭痛目眩心神恐畏不能獨處胸中煩悶

茯神去木

酸棗仁

黃芪

梔子仁

炒

白芍藥

五味子

桂心

熟地

自製

人參

甘草

右每服五錢薑水煎

酸棗仁丸治膽氣實熱不得睡臥神志不安驚悸怔忡

茯神去木

酸棗仁

遠志

栝子仁

炒

防風

枳殼

生地黃

杵膏各半兩

李氏醫按

保嬰最要卷之十

五

青竹茹二錢五分

右為末蜜丸梧子大每服七八九十九滾湯下

定志丸治心神虛怯所患同前或語言鬼怪喜笑驚悸

人參

茯苓各一兩五錢 菖蒲

遠志去心各一兩

右為末蜜丸如前服

治要扶苓散治心經實熱口乾煩渴眠臥不得心神恍惚

茯神

麥門冬各一兩 通草

升麻各一兩

紫苑

桂心各七錢五分 知母一兩

大棗十二枚

淡竹茹五錢

赤石脂一兩七錢五分

右每服一兩水煎

朱雀丸治心病怔忡不止

白茯苓二兩 沉香半兩

右為末蜜丸小豆大每服三十九人參煎湯下

世傳蜜陀僧散治驚氣入心絡不能語者昔有人為狼及犬蛇

所驚皆以此而安

蜜陀僧

研極細末如粉

右茶清調一錢七

丹溪朱砂丸治勞役心跳

硃砂

當歸身

白芍藥

側柏葉各三錢

川芎

陳皮

甘草

黃連炒各一錢半

右用猪心血為丸粟米大每服百丸龍眼湯下

本事辰砂遠志丸消風化痰鎮心安神

人參

石菖蒲去毛

遠志去心

茯神各一兩

川芎

山藥

白附子

麥門冬

細辛

鐵粉

辰砂各五錢

右為末用生薑汁入水糊丸菜豆大以朱砂為衣每服一二

十九九臨睡生薑湯下

歸脾湯

六君子湯

加味道遙散

三方見內皆

補中益氣湯

方見虛羸

真珠母丸

方見不寐

十全大補湯

八珍湯

二方見自汗

養心湯

方見驚癇

吞酸

吞酸之症有二熱與寒也經曰諸嘔吐酸皆屬於熱東垣曰病機作熱攻之誤矣濁氣不降寒藥豈能治之二說似乎矛盾而實一也素問言熱者所以指其末也東垣言寒者所以指其本也丹溪用吳茱萸之法亦嘗謂之寒矣然亦當分其虛實而治之若煩熱作渴好食啖物飲食易化是為實火內熾而胃經熱也宜用清涼飲之類若不渴喜食熱物飲食難化是為虛火所致而胃經寒也宜用香砂六君子湯之類故東垣云邪熱不殺

者皆末傳寒中之敗症也可不慎歟

治驗

一小兒吞酸用六君子湯而愈後傷食復作兼瀉先用五味異功散加升麻乾薑瀉頓止又以六君子煎送四味茱萸丸而愈

一小兒吞酸噯腐發熱口渴先用保和丸二服以消宿滯又用六君木香乾薑以溫養中氣而愈後傷冷粉腹脹痛余用異功散加乾薑諸症漸愈用補中益氣湯加木香將愈又傷食吞酸腹痛用六君木香二劑痛止又四劑而愈

一小兒吞酸喘嗽腹脹面白兼青余謂脾肺之氣虛先用補中益氣湯加茯苓半夏二劑喘脹悉愈又用六君子湯及五

味異功散而愈

一小兒十三歲吞酸每食碗許稍多則瀉或腹脹面色黃或青白此脾肺虛肝木所勝用六君乾薑柴胡升麻間佐以補中益氣湯而痊畢姻後兼勤於功課仍吞酸唾痰服清熱藥大便不實嗜卧少食而似肉痿用前藥各百餘劑而痊一女子吞酸唾痰恪用清氣化痰之藥余謂屬中氣虛不信後覺肚腹腫脹大小便淋瀝而歿

六君子湯

加木香砂仁名香砂六君子湯

異功散

二方見內鈔

補中益氣湯

保和丸

二方見虛

四味菜連丸

方見噫

脾弱多困

丹溪云脾具坤靜之德而有乾健之運夫胃陽也主氣脾陰也主血胃司納受脾司運化一納一運化生精氣清氣上升精粕

下降納五穀化津液其清者為榮濁者為衛陰陽得此謂之榮篇故東垣以脾胃為五臟之根本也脾氣既弱則健運之令不行化生之功已失職而嗜卧多困所由生焉法當溫補其脾脾氣既旺則臟腑清湯之氣升舉易於運行又何困倦之有海藏用四君子加木香半夏白朮倍之薑棗煎服誠良法也若脾虛好睡多驚則是心血虛而火動之宜安神養血若因心脾氣虛有痰者宜用人參五味子茯苓以補心氣當歸芍藥酸棗仁以養心血橘紅半夏以開痰若因脾肺氣虛胸膈有痰用補中益氣湯以健脾胃膽星天竺丸以化痰涎若因飲食停滯而作用四君子湯以益脾土山查神麩以消飲食若因脾虛而好睡用五味異功散以補脾氣當歸芍藥以生脾血芍藥須用酒拌炒黃不則酸寒傷脾此假熱以對假寒也若乳母飲酒致兒昏醉

好睡者以乾薑陳皮煎湯解之不應用異功散加乾葛即愈矣

治驗

楊永興子年七歲嗜臥兼驚久不愈余曰好睡是脾氣虛困也善驚是心血虛怯也此心火不能生脾土子母俱病用補中益氣湯及六味地黃丸加鹿茸而愈

一小兒因母醉後飲乳困睡不醒遍身如丹瘤先君謂酒毒為患用葛花解醒湯令子母俱服之而愈

一小兒病後嗜臥飲食少思面色痿黃中隱青色用五味異功散加柴胡升麻為末每服錢許日二三次月餘稍愈又飲食過多更患嘔吐手足並冷飲食頓減先用六君子湯加升麻柴胡木香乾薑二劑諸症漸愈又用補中益氣湯為末日服五次月餘而安

一小兒九歲患痢後嗜臥睡痰服化痰藥吐痰益甚而臥床三年矣面色痿黃兼白或時青赤右關脉微細左關脉弦數余謂肝火乘脾用六君升麻柴胡三十餘劑而稍健乃以補中益氣湯間服又各三十餘劑而少坐又五十餘劑而痊一女子十一歲患痢後嗜臥睡痰飲食難化胸腹膨脹服化痰利氣之劑益甚余謂悉屬脾胃氣虛而飲食化痰也朝用補中益氣湯夕用五味異功散兩月而愈又傷食吐瀉用六君子湯月餘不應乃以人參五錢乾薑五分薑棗煎服百餘劑始應仍用補中益氣異功散而痊

牛膽南星一兩半夏湯泡去皮白附子湯泡去皮  
天竺黃錢三天麻錢二防風錢二辰砂錢一

薛氏醫案 保嬰撮要卷之十

右為末甘草湯為丸芡實大每服一丸空心薄苛淡薑湯下化

五味異功散

六君子湯

四君子湯三方見內

補中益氣湯方見虛羸

六味地黄丸方見腎臟

葛花解醒湯方見熱吐

尋衣撮空

尋衣撮空許叔微謂之肝熱夫肝主筋筋脉血枯而風引之故手指為之撮斂也宜確服六味地黄丸間有回生之功錢仲陽用瀉青丸此治肝經實熱蓋尋衣撮空皆病後之敗症耳求其實熱則百無一二矣治者審之王海藏治血脫尋衣撮空摸床手揚搖頭錯語失神脉弦浮而虛血脫內躁熱之極也氣粗鼻乾此為難治用生地黄連湯主之

治驗

王少參孫女年十二歲脾胃素弱後成疳症發熱小腹膨脹

堅直大便溏瀉氣喘咳嗽夜寐不睡鼻塞眼暗譫語其脉大而無根用人參一兩附子三分腹脹漸減脉漸斂然猶

尋衣撮空鼻孔出血用六味地黄丸料二服如脫乃晝服獨

參薑附湯及服地黄丸料脉漸有根諸症漸愈又用六君子

補中益氣湯而痊詳見發熱

一小兒停食夜驚腹痛服消食丸瀉數次尋衣撮空面青黃

或色白此脾土受傷肺金休囚肝火旺而然耳先用異功散

加升麻以補脾土用六味地黄丸料以滋肝血稍定各一劑

漸愈却用補中益氣湯六味地黄丸間以異功散而痊

一小兒受驚駭格服鎮驚化痰等藥忽患前症眼上面黃

或兼青赤此肝經陰血虛陽氣旺而生風耳當滋肝腎益脾

肺遂用異功散而痊

薛氏醫按

保嬰撮要卷之一

三

一小兒面痿黃患癩瘰忽發面色青赤此脾氣虛木火相搏而為患也用補中益氣湯佐以柴胡山梔散二服加味逍遙散三服諸症漸退又以地黃丸而遂痊

一小兒流注出膿甚多患前症此元氣虛弱內熱而變耳用八珍湯異功散各數劑方稍緩又數劑而安又補中益氣湯而愈

一小兒膝癰誤觸其膝出血甚多患前症惡寒面白此陽隨陰散而虛寒用十全大補湯加附子三分四劑未應用人參一兩附子五分薑棗煎服稍退又二劑頓退乃朝用異功散夕用八珍湯而安

一小兒傷風表汗後患前症惡風面白手足冷用補中益氣湯加五味子汗頓止而諸症漸退又用四劑而安乃十全大

補湯而愈

生地黃連湯治血脫尋衣撮空搖頭妄語

川芎

生地黃

當歸各七錢

赤芍藥

梔子

黃芩

黃連各三錢

防風五分

右每服三錢水煎服

加味逍遙散

異功散

六君子湯

地黃丸

補中益氣湯

柴胡梔子散

瀉青丸

八珍湯

十全大補湯

喜笑不休

經曰心藏神有餘則笑不休又曰在臟為心在聲為笑在志為喜又火太過曰赫曦赫曦之其病笑譫狂妄又云少陰所至為喜笑又云精氣升於心則喜此數者皆言屬心火也若笑不

此水乘於火陰擊於陽陽伏熱生狂妄譫語不  
明心之損矣扁鵲云其人唇口赤色者可治青  
水虧損不勝心火而喜笑不休者用六味地黃丸  
肝火熾盛能  
心火而喜笑不休者用柴胡清肝散餘兼別症各從其症而

安面赤飲冷手足亞熱先用黃連瀉心  
味地黃丸料煎服頓愈常服此丸則  
經風熱所致也用柴胡梔  
子散以地黃丸料煎服頓愈常服此丸則  
湯又用加味逍遙散

兼譫語洪大按之微細如無用人參一兩  
劑而愈又勞役用心目作渴煩躁似  
女子十六歲面色痿黃素沉靜喜笑不休月經先期用柴  
赤真力發後面黃體倦朝用補中益氣湯夕用加味道遙散  
而愈後每發悉用前藥即愈

補血湯

柴胡梔子散

柴胡清肝散

三方見



醫學

湯方見

地黃丸方見腎臟

三

